

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-2498/19

Dana: 27.05.2019. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Kristić Danijele, dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo")-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na Sedmoj radnoj sjednici Skupštine Kantona Sarajevo održanoj dana 17.04.2019. godine postavila zastupnica Danijela Krisitić.

Zastupnička inicijativa:

„da se izvrši revizija svih izdatih odobrenja tj. znaka pristupačnosti koja su izdata prema Pravilniku o obilježavanju vozila kojima upravljaju lica sa invaliditetom ili kojima se prevoze lica sa invaliditetom objavljeno u Službenim novinama broj:01-04-02-2-3537/15, te da mi se dostave evidencije svih izdatih znakova pristupačnosti, čija je forma definisana navedenim Pravilnikom“.

U vezi sa pokrenutom zastupničkom inicijativom, Ministarstvo unutrašnjih poslova Kantona Sarajevo dostavlja sljedeći:

ODGOVOR

U nadležnosti Ministarstva unutrašnjih poslova Kantona Sarajevo je izdavanje znakova pristupačnosti za lica sa oštećenim ekstremitetima ili kojima se prevoze lica sa 100% invaliditetom. Postupak izdavanja znaka pristupačnosti propisan je Pravilnikom o obilježavanju vozila kojim upravlja osoba sa oštećenim ekstremitetima ili kojim se prevozi osoba sa invaliditetom 100% koji je stupio na snagu dana 29.07.2017. godine i koji u članu 10. propisuje da znakovi pristupačnosti koji su izdati prije stupanja na snagu ovog Pravilnika prestaju da važe istekom roka na koji su izdati.

Prije stupanja na snagu gore pomenutog Pravilnika ova oblast je bila uređena Pravilnikom o obilježavanju vozila kojima upravlja lica sa invaliditetom ili kojim se prevozi lica sa invaliditetom koji je stupio na snagu 09.12.2015. godine, koji je u članu 13. propisivao da znak pristupačnosti koji je izdat prije stupanja na snagu ovog Pravilnika važi šest mjeseci nakon donošenja ovog Pravilnika.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Iz gore navedenog evidentno je da su trenutno u primjeni dva znaka pristupačnosti i to:


- znak pristupačnosti propisan Pravilnikom iz 2015. godine čiji je rok važenja pet godina, a za koje su lica koja ostvaruju pravo na isti bili dužni podnijeti zahtjev za zamjenu postojećih do 09.06.2016. godine i
- znak pristupačnosti propisan trenutno važećim Pravilnikom iz 2017. godine čiji je rok važenja deset godina.

I jedan i drugi navedeni znak pristupačnosti važi do njihovog isteka, svi drugi znakovi pristupačnosti koji se koriste u saobraćaju nisu važeći i po njima nije moguće ostvarivati prava iz ove oblasti. Također, u članu 7. Pravilnika o obilježavanju vozila kojima upravljaju lica sa invaliditetom ili kojima se prevozi lice sa invaliditetom koji je objavljen u „Službenom glasniku BiH“, broj 92/15“ je propisano da nadležne organizacione jedinice postupaju po zahtjevima za izdavanje znaka pristupačnosti tako što donose Rješenje na način i u postupku propisanim zakonom o upravnom postupku. U skladu sa zastupničkom inicijativom nadležne organizacione jedinice ovog ministarstva su izvršile uvid u sve postupke koji su pokrenuti za izdavanje znakova pristupačnosti u skladu sa Pravilnikom o obilježavanju vozila kojima upravlja lice sa invaliditetom ili kojim se prevozi lice sa invaliditetom koji je stupio na snagu 09.12.2015.godine, te tom prilikom konstatovali da je u svim postupcima donešeno rješenje u skladu sa pomenutim pravilnikom. Pravo na znak pristupačnosti se ostvaruje podnošenjem zahtjeva za izdavanje znaka pristupačnosti, Sektorima za administraciju Uprave administracije prema prebivalištu ili boravištu podnosioca zahtjeva za izdavanje znaka pristupačnosti ili prema sjedištu udruženja. U skladu sa gore iznesenim i uvidom u evidenciju upisnika izdatih znakova pristupačnosti koji su propisani Pravilnicima iz 2015. i 2017. godine, a prema organizacionim jedinicama Ministarstva unutrašnjih poslova koje su zadužene za općine u Kantonu Sarajevo, utvrđeno je da su pozitivno riješeni zahtjevi građana i izdati znakovi pristupačnosti u:

- Sektor za administraciju Stari Grad - 135 zahtjeva koji su riješeni po propisu koji je vrijedio od 2015. do 2017. godine i 208 zahtjeva koji su riješeni po propisu koji je na snazi od 2017. godine, što ukupno iznosi 343 znaka pristupačnosti koji su važeći;
- Sektor za administraciju Centar - 207 zahtjeva koji su riješeni po propisu koji je vrijedio od 2015. do 2017. godine i 71 zahtjev koji su riješeni po propisu koji je na snazi od 2017. godine, što ukupno iznosi 278 znaka pristupačnosti koji su važeći;
- Sektor za administraciju Novo Sarajevo - 282 zahtjeva koji su riješeni po propisu koji je vrijedio od 2015. do 2017. godine i 64 zahtjeva koji su riješeni po propisu koji je na snazi od 2017. godine, što ukupno iznosi 346 znaka pristupačnosti koji su važeći;
- Sektor za administraciju Novi Grad - 449 zahtjeva koji su riješeni po propisu koji je vrijedio od 2015. do 2017. godine i 148 zahtjeva koji su riješeni po propisu koji je na snazi od 2017. godine, što ukupno iznosi 597 znaka pristupačnosti koji su važeći;
- Sektor za administraciju Ilidža/Trnovo - 231 zahtjeva koji su riješeni po propisu koji je vrijedio od 2015. do 2017. godine i 98 zahtjeva koji su riješeni po propisu koji je na snazi od 2017. godine, što ukupno iznosi 329 znaka pristupačnosti koji su važeći;
- Sektor za administraciju Hadžići - 68 zahtjeva koji su riješeni po propisu koji je vrijedio od 2015. do 2017. godine i 23 zahtjeva koji su riješeni po propisu koji je na snazi od 2017. godine, što ukupno iznosi 91 znaka pristupačnosti koji su važeći;
- Sektor za administraciju Vogošća - 113 zahtjeva koji su riješeni po propisu koji je vrijedio od 2015. do 2017. godine i 32 zahtjeva koji su riješeni po propisu koji je na snazi od 2017. godine, što ukupno iznosi 145 znaka pristupačnosti koji su važeći;
- Sektor za administraciju Ilijaš - 62 zahtjeva koji su riješeni po propisu koji je vrijedio od 2015. do 2017. godine i 19 zahtjeva koji su riješeni po propisu koji je na snazi od 2017. godine, što ukupno iznosi 81 znaka pristupačnosti koji su važeći;



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0) 33 286-701, 286-702,
Fax: + 387 (0) 33 226-445
Sarajevo, La Benevloencije 16



Prema tome na području Kantona Sarajevo je trenutno izdato 2210 znakova pristupačnosti, od čega je 663 u skladu sa Pravilnikom koji je na snazi od 2017. godine sa rokom važenja 10 godina, a 1547 u skladu sa Pravilnikom koji je bio na snazi od 2015. do 2017. godine sa rokom važenja 5 godina.

U cilju uređenja ove oblasti, ovo Ministarstvo je kontaktiralo građane koji su u evidencijama u cilju zamjene odnosno vraćanja znakova pristupačnosti koji nisu bili više u upotrebi odnosno nisu važeći (20 je poništeno, 18 izgubilo pravo, 90 nisu podnijeli zahtjev za zamjenu) sa izuzetkom onih koji su izdati od strane Ministarstva saobraćaja Kantona Sarajevu čiju evidenciju nismo dobili na raspolaganje. Napominjemo da ćemo i u narednom periodu kontaktirati građane koji se nalaze u našim evidencijama kako bi utvrdili osnovanost zamjene nevažećih znakova pristupačnosti za one koji su trenutno na snazi.

Poduzete su i aktivnosti da se ova oblast uredi i radom na terenu, tako što Uprava policije Ministarstva unutrašnjih poslova, u okviru svojih redovnih aktivnosti, provodi i kontrolu ispravnosti korištenja znakova pristupačnosti, u smislu da prilikom kontrole saobraćaja provjerava validnost izdatog znaka pristupačnosti prema važećim zakonskim propisima i u skladu sa tim poduzima mjere iz svoje nadležnosti. Prema informaciji Uprava policije isti su na osnovu člana 73. stav (1) tačka 12) Zakona o osnovama sigurnosti saobraćaja na putevima u BiH, u vremenskom periodu od 17.04. do 15.05.2019. godine, izdali ukupno 276 prekršajnih naloga zbog prekršaja nepropisnog zaustavljanja i parkiranja motornih vozila na mjestima koja su označena kao parking prostor za lica sa invaliditetom ukoliko vozilo nije obilježeno znakom pristupačnosti, 12 vozila je zbog istog prekršaja premješteno specijalnim vozilom "Pauk". Također, tokom aktivnosti kontrole saobraćaja policijski službenici oduzimaju znakove pristupačnosti koji nisu izdati u skladu sa gore pomenutim propisima.

Prilog:

-CD;



Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0) 33 286-701, 286-702,
Fax: + 387 (0) 33 226-445
Sarajevo, La Benevolencije 16

